

## **Qeqqata Kommunia**

Teknikkimut Avatangiisinullu immikkoortortaq

### **Anartarfilerinermut, anartafit imaannik kiisalu imermik mingunnikumut eqqaaneq pillugu maleruaqqusaq.**

Anartarfiiit imaannik aamma imermik errortuivikumik eqqaaneq pillugu Namminersorlutik Oqartussat nalunaarutaat nr. 10, 12. juni 2015-imeersoq naapertorlugu.

#### **Immikkoortoq 1**

*Atuuffi*

**1.1** Maleruaqqusaq anartarfilerinermut, anartafit imaannik kiisalu imermik mingunnikumut atuuppoq.

**1.2** Ingerlatsinermi imermik mingunnikumik kuutsitsineq maleruaqqusami ilaatinneqanngilaq.

**1.3** Ingerlatsinermi imermik mingunnikumik kuutsitsinissamut akuersissummik Pinngortitamut, Avatangiisinut Nukissiuuteqarnermullu Naalakkersuisoqarfimmumut qinnutigineqassaaq.

**1.4** Maleruaqqusaq manna Sisimiut Maniitsullu illoqarfiinut kiisalu nunaqarfinnut Sarfannguanut, Itillimut, Kangaamiunut, Atammimmut Napasumullu kiisalu Kangerlussuup nunaqarfiani anartarfilerineq aammalu imermik mingunnikumik eqqaaneq Qeqqata Kommunianit tigummiaqarfiani atuuppoq.

**1.5** Maleruaqqusami matumani pineqarput:

- 1) Maleruaqqusami matumani pineqarput illuutit, suliffeqarfiiit, peqatigiiffit aaqqissuussanik aaqqissuisut, aalajangersimasumik sivikitsumilluunniit inunniq katersortitsiarermikkut kiisalu nunaminertat sanaartorfiunngitsut annertunerusutigut sammisaqartitsiviusartut, anartarfilerinermik, anartafit imaannik kiisalu imermik mingunnikumik pilersitsiviusut.
- 2) Nunaannarmi tamani sammisaqartitsinerni. Soorlu Piniarneq, takornariartitsineq, illuaqqaniinneq, timersornermi aaqqissuussat il.il. anartarfilerinermik, anartafit imaaniq kiisalu imermik mingunnikumik pilersitsiviusoqassappat
- 3) Tatsini, kangerlunnili sikusimasuni, sermimi sermersuarmilu sammisaqartitsinerni anartarfilerinermik, anartafit imaaniq kiisalu imermik mingunnikumik pilersitsiviusoqassappat.

#### **Immikkoortoq 2**

*Atuisussaatitaaneq*

**2.1** Anartarfilerinermik, anartafit imaaniq kiisalu imermik mingunnikumik pilersitsisut tamat, kommunalbestyrelsimit eqqaasarnissamut innersuunneqartunik atuissapput.

## **Immikkoortoq 3**

*Suunerinik nassuaatit*

### **3.1**

- 1) Anartarfilerineq tassaavoq anartarfinit annat quullu arnartarfinni imaartakkaniittut.
- 2) Anartarfik tassaavoq annat quullu kiisalu perusuersartarfinit imeq kuutsinneqartoq.
- 3) Imeq mingunnikoq tassaavoq, imeq uffassutigisaq, errorsinermit erruinermit kiisalu allatigut ulluinnarni imeq mingunnikoq pilersinneqartoq.
- 4) 'Perusuersartarfinit imeq mingunnikoq' anartarfilerinermi anartarfiillu imaanut nassuaatit atorneqartarpoq.
- 5) Ingerlatsinermi imeq mingunnikoq tassaavoq, suliffeqarfait nioqqusiornerminni imaluunniit ingerlatsinermanni imeq mingutsinneqartoq.

### **3.2**

- 1) Anartarfinnik imaarsisarnermut, annanik katersuivinni imaarsisarnermut imaluunniit kuuffissuaqarnermut nalunaarsoqqasut atuisut tamat pineqarput. Assersuutigalugu illunik piginnittut, attartortut, suliffeqarfait, peqatigiiffiit allarpassuillu.
- 2) Illunik piginnittumut kinaluunniit pisortanit nunaminertamik atugassinneqarsimasut imaluunniit nunaminertamik immikkoortumilluunniit atuisinnaatitaasut pineqarput. Nunaminertanut sanaartorfiungitsunut anartarfilerinermik, anartafinnik imaluunniit imermik mingunnikumik pilersitsiviusunut aamma atuuppoq.
- 3 ) Illunik piginnittumut suliffeqarfait, peqatigiiffiit, aaqqissuussanik aaqqissuisut, aalajangersimasumik sivikitsumilluunniit inunniq katarsortitsisarnermikkut aaqqissuisut pineqarput.

### **3.3 Inissiivissat pineqartut:**

- 1) illuttip najukkalluunniit silataanut, illunik piginnittut anartarfiiit puussiartaanik karsi ilitsiviusartup inissitaa.
- 2) illuttip najukkalluunniit silataani annanik katersuiviup imarneqarnissaanut ruujorip isua inisisimasoq.

### **3.4 Anartarfilerisoq tassaavoq, anartarfinnik imaarsisartoq kiisalu annanik katersuivinnik imaarsisartoq. Kommuniusinnaavoq imaluunniit namminersortoq.**

## **Immikkoortoq 4**

*Nalinginnaasumik*

### **4.1** Anartarfilerineq, anartarfiiit imanik kiisalu imermik mingutsitanik kuutsitsinerit kuuffissuakkut ingerlanneqartassapput.

### **4.2** Illuutillit, kuuffissuarnut atassusertinnissamik periarfissaqanngitsut, tullinnguuttunik nammineq akilikkaminnik pissarsinissartik, aserfallatsaaliinissartik atuinissartillu isumagissavaat:

- 1) Anartarfik peertakkamik puussialertakkamillu siparnitalik kommunimit akuerisaasoq.
- 2) Imaluunniit annanik katersuivik kommunimit akuerisaasoq.
- 3) Imaluunniit aaqqiissut alla kommunimit akuerisaasoq.

**4.3** Anartarfilerinikkut, anartarfinnik kiisalu imermik mingunnikumik qanorluunniit kuutsitsinerit kommunimit akuerineqaqqaartassapput.

## **Immikkoortoq 5**

*Anartarfilerinerup ingerlanneqarnera*

**5.1** Anartarfilerinermut aaqqissuussamik atuisut tullinnguuttutigut imaartittarnernut nalunaarsorsinnaapput:

- 1) Imaartinneq, anartarfilerisumit anartarfiup puussiartaa atuisup angerlarsimaffianut aassavaa
- 2) Imaartinneq, atuisup nammineerluni anartarfiup puussiartaa siparnimit peeriarlugu, anartarfiit puussiaanut karsimut ilitsivissamut silami inissisimasumut ilissavaa.

**5.2** Imaartittarnernut assigiinngitsunut marluusunut akigititat atuuttut naapertorlugit akilerneqartassapput

**5.3** Imaartittarnerit akulikissusaat akigititat atuuttut naapertorlugit ingerlanneqartarput

**5.4.1** Anartarfinni imaartakkani puussiartassat kommunimit akuerisaasut kisimik atorneqartassapput.

**5.4.2** Perusuersartarfiit puussialertakkat Qeqqata Kommunianit akuerisaasut kisimik atorneqaqqusaapput.

**5.4.3** Anartarfiit puussiartai igitassat aaneqartassapput ullut tamaasa nal. 07.00-imiit nal. 17.00-imut.

**5.4.4** Nalliuuttut ullui tulleriiginnaat arlaliutillugit nalliuuttunittaaq aallertoqartarsinnaavoq.

**5.5.1** Illuaqqanit, illunit allanit kiisalu nunaannarmi sammisaqartitsinermit anartarfiit puussiartaat imallit, anartarfilerisunik isumaqatigiissuteqarnikkut, akiliuteqarnikkut annanut eqqaavimmut tunniunneqarsinnaapput.

**5.5.2** Akigititat naapertorlugit akiliisitsisoqartassaaq.

**5.6.1** Illutilik/attartortoq anartarfeqarfimmik pitsasuutitsinissamik saligaatsuutitsinissamillu pisussaavoq. Tamatuma saniatigut anartarfeqarfimmit aqquisinermut/pisuinnaat aqqutaanut/majuartarfinnut pisariaqneratigut aqqutaanik aputaajaasarnissaq/siorarterisarnissaq isumagissallugu.

**5.6.2** Imm 5.1.1 naapertorlugu atuisut angerlarsimaffimmut iserluni imaarsisarnermut nalunaarsoqqasumut tullinnguuttut atuupput: Perusuersartarfimmut puussialertakkamut atatillugu pissutsit eqqiluisaanngippata, taava atuisoq nammineq perusuersartarfiup puussiartaanik angerlarsimaffiup eqqaani anartarfeqarfimmi karsimut aalajangersimasumut ikisussanngorlugu annissilluni imaartinnermut nuunnissaanik kommuni piumasaqarsinnaavoq. Imaappoq imm. 5.1.2 naapertorlugu.

**5.7.1** Anartarfilerisoq angerlarsimaffimmut iserluni imaartittarnermik atuisut, perusuersartarfiup puussialertakkap appakkaaffigilluarneqarsinnaanissa isumagissavaa.

**5.7.2** Tamanna pisinnaanngippat, taava atuisoq imm. 5.1.2 naapertorlugu imaartittarnermut nuutsinneqassaaq.

**5.8.1** Perusuersartarfiit puussiartaanut karsi ilitsiviusussamik, illumik piginnittoq/attartortoq peqarnissamik isumaginnittussaatitaavoq.

**5.8.2** Karsimut ilitsiviusussamut tullinnguuttut atuupput:

- 1) Perusuersartarfiup puussiartaasa pisariaqartinneqartut amerlassusaanut inissaqartitsilluassaaq.
- 2) Qajannaatsuussaaq sivingalaartumillu ammaruminartumilli matoqartinneqassalluni.
- 3) Ima sanaartugaassaaq inissinneqarlunilu, anartarfilerisup perusuersartarfiup puussiartaa annerpaamik 1 meterisut portutigisumik kivissinnaassallugu, tassa Suliffeqarfinnik Nakkutilliisoqarfiup piumasaqaataa naapertorlugu.
- 4) Anartarfiup puussiartaata nippulluni qerrtuunnginnissaa qulakkeerneqassaaq, ilaatigut pappiaqqanik marlunnik qaleriinnik imaluunniit plastikkimik naqqanut sinaanullu ilisinikkut, imaluunniit allatut pitsasumik aaqqiissuteqarnikkut.
- 5) Ilitsivimmut silamiittumut inissinneqassaaq.
- 6) Aputaaajarsimassaaq il.il.
- 7) Mingutsitsisoqarsimatillugu salinneqartassaaq, nalinginnaasumillu ipiitsuutinnejassalluni.
- 8) Ilitsivik qimminit timmissaniillu anguneqariaannaatinnejassanngilaq

**5.9.1** Karsi ilitsivik anartarfilerisunit anguneqariaannanngorlugu kiisalu illup qanigisaanut inissinneqarsimassaaq.

**5.9.2** Karsi ilitsivimmit anartarfilerisut biiliinut ungasissuseq 25 meteri sinnersimassanngilaa.

**5.9.3** Anartarfilerisut pisullutik aqquataat tamat sinerlugu minnerpaamik 3,5 m.-imik portussuseqassaaq.

**5.9.4** Anartarfilerisut biiliinut ungasissusissamut piumasaat pillugu Teknikkimut Avatangiisinullu immikkoortortaq immikkut akuersissuteqarsinnaavoq.

**5.9.5** Najugaqartup innarluuteqarnerata anartarfiup puussiartaanik karsimut ilitsivissamut kiisalu nunaq ilusaata malittarisassat malillugit inissiinissamut ajornakusoortitsippata, immikkut akuersissuteqartoqarsinnaavoq.

**5.9.6** Karsi ilitsivissaq igalaat ataanut inissinneqassanngilaq.

**5.10.1** Illu aqqusinermit ungasissumi inissisimappat, nunap ilusaa naapertorlugu sapinngisamik pisariaqartinneqartumik silissuseqarlunilu portussuseqartumik aqutissaqartinneqassaaq, taamaalilluni anartarfilerisut biili tunumorsorlutik ingerlasinnaaqquullugit.

**5.10.2** Silissuseq portussuserlu pisariaqartinneqartoq Teknikkimut Avatangiisinullu immikkoortortamit nalunaarutigineqassaaq.

**5.10.3** Taamaanngippat atuisoq nammineerluni karsi ilitsivik biilit uniffigisinnaasaanut qaninnerpaamik annerpaamillu 25 m.-inik ungasissusilerlugu inississavaa.

**5.10.4** Teknikkimut Avatangiisinullu immikkoortortaq isumasioqatigalugu karsi ilitsivissaq inissinneqassaaq.

**5.10.5** Nunap ilusaa kiisalu atuisup pisinnaasaa naapertorlugit, karsi ilitsivissap inissinneqarnissaanut imaluunniit 25 m.-inik ungasissuseqarnissamut piumasaqaammut immikkut akuersissuteqarnissamut, Teknikkimut Avatangiisinullu immikkoortortaq aalajangersaasinnavoq.

**5.11.1** Anartarfiit puussiartaat pisuinnaat aqquataanut imaluunniit nunaminertanut tamanut atorneqartunut inisseqqusaanngillat.

**5.11.2** Anartarfefarfiup annanik imaluunniit quunik mingutsinneqarsimannginnissaanik, illumik piginnittooq/attartortoq pisussaavoq.

**5.12.1** Illumik piginnittooq/attartortoq pisussaavoq:

1) Anartarfipimaartinneqarnissaanut amerlassutsinik pisariaqartunut nalornaarsorsimassalluni

2) Anartarfifit puussiartaanik aallertarnerit marlut akornanni, puussiartaa ulikkaarpallaarneqarsimassanngilaq.

**5.12.2** Anartarfipuussiartai igitassanik allanik immerneqassanngillat.

**5.12.3** Perusuersartarfipuussiartaanik aallernerme, puussiaq imaqqanngippat, taava anartarfilerisoq puussiamik nutaamik ilisissanngilaq. Tamanna akilummik utertitsinermik kinguneqarsinnaanngilaq.

## **Immikkoortoq 6**

*Annanik igitsineq*

**6.1** Sisimiuni, Maniitsumi, Sarfannguani, Itillimi, Kangaamiuni, Atammimmi Napasumilu perusuersartarfiiit puussiartaat imallit Qeqqata Kommuniata aaneqartarnissaat isumagisarpaat.

**6.2** Kangerlussuarmi asiariartarfinni perusuersartarfinnik imaartakkanik atuisut, annanik kuutsitsivimmun namminneq imaarsisinnaapput. Kangerlussuarmi anartarfinnik katersinermik pilersitsisoqassappat, tamanna atorneqassaaq.

**6.3** Sisimiuni, Maniitsumi, Sarfannguani, Itillimi, Kangaamiuni, Atammimmi Napasumilu atuisut tamarmik anartarfimmik imaartakkamik atugaqartut, kommunip imaarsinermik ingerlatsivianik atuissapput.

## **Immikkoortoq 7**

*Annanik katersuivinnik imaarsinermik ingerlatsineq*

**7.1** Qeqqata Kommuniani attanik katersuiviit imaaneqarnissaat illumik piginnittumit/attartortumit, tassa entreprenørerit kinnernik milluaatilinnik, kommunip akuerisaanik, attanik katersuivinnik imaarsisarnissamik isumaqatigiinnikkut isumagineqassaaq.

**7.2.1** Annanik katersuiviit ulikkaartoornissamut/maangaannaq kuuttoornissamut kalerrisaarutilersimassapput.

**7.2.2** Annanik katersuiviit imaarneqartarnissaannut isumaqatigiissutinut tullinnguuttut atuupput:

1) Teknikkimut Avatangiisinullu immikkoortortap piumasaqarneratigut, isumaqatigiissutip assilinera, tankip imartussusaanik illoquutigiillu amerlassusaanik paassisutissartalik nassiunneqassaaq.

2) Teknikkimut Avatangiisinullu immikkoortortap piumasaqarneratigut, imaarsinermi biilinik ingerlatsisimanermut allagartap assilinera nassiunneqassaaq.

3) Anartarfilerisumit kommunimit akuerineqartumit imaarsinerit taamaallaat ingerlanneqassapput.

4) Illumik piginnittut/attartortut ataasiakkaat entreprenørinut toqqaannartumik imaarsisarnermik akiliisassapput.

**7.3.1** Annanik katersuivimmit imaarneqarnissaanut ruujorimit isua, kinnernit milluaasunit slangimit ajornaqteqanngitsumik atassuserneqarsinnaanngorlugu inissinneqassaaq.

**7.3.2** Attanik katersuiviup imaarneqarnissaanut ruujorip isuata nalaata pitsasuunissaanut saligaatsuutitsinissaanullu pisussaatitaavoq. Aputaa jarnissaanut/ujara aralersornissaanut kiisalu annanik katersuiviup ajoqteqanngitsumik imaarneqarsinnaanissaanut illumik piginnittooq/attartortooq isumaginnittussaatitaavoq.

**7.4.1** Imaarsineq tullinnguuttutigut ingerlanneqassaaq:

- 1) nunamut kuutsitsisoqarsinnaanani
- 2) ruujorit slangillu imaavinneqartassapput.

**7.4.2** Anartarfiiit puussiaanut karsit ilitsivissat inissiiviisa eqqaa annanik quunilluunniit mingutsitsivigineqannginnissaanut illumik piginnitooq/attartortooq pisussaatitaavoq.

**7.5** Annat katersuivianit maangaannaq kuutsitanik imaarsineq:

- 1) Sisimiuni: Annanik eqqaaviup, B-805, Eqqaavimmut aqq-niittup avannaatungaani, meterialunnguanik ungasissusilimmittumi kuuffissuartigut ruujorip isuatigut, annanik katersuivimmit imaakkat kuutsinneqartassapput.
- 2) Maniitsumi: Attanik eqqaaviup, B-1303, Annersuup eqqaani kuuffissuartigut ruujorip isuatigut, annanik katersuivimmit imaakkat kuutsinneqartassapput.
- 3) Kangerlussuarmi: Kussuaq-p qanituani kuuffissuup eqqaani kuitsivikkut annanik katersuivimmit imaakkat kuutsinneqartassapput.

## **Immikkoortoq 8**

### *Iermik mingunnikumik kuutsitsineq*

**8.1** Imeq mingunnikoq pisortat kuuffissuatigut kuutsinneqassaaq.

**8.2.1** Illunik piginnittut kuuffissuarnut attavilernissamik periarfissaqanngitsut, annanik katersuivimmut imermik mingunnikumik kuutsitsisassapput imaluunniit maangaannaq imermik mingunnikumik kuutsitsisinnaanissamik immikkut akuersisummiq qinnuteqarsinnaapput.

**8.2.2** Siunissaq eqqarsaatigalugu nunaqarfimmi taamaallaat immikkut akuersissuteqarsinnaaneq naatsorsuutigineqassaaq, Kangerlussuaq ilanngunnagu.

**8.2.3** Immikkut pisoqarnermi taamaallaat, illoqarfinni maangaannaq imermik mingunnikumik kuutsitsisinnaanermut immikkut akuersissuteqartoqarsinnaanera naatsorsuutigineqassaaq.

**8.2.4** Immikkut pisut tassaasinnaapput immikkoortoq kuuffissualersugaanngitsoq taamatullu annanik katersuivimmik imaarsinissamik annertuumik ajornartorsiorfiusoq.

**8.3** Imeq mingunnikoq igaffimmit, uffarfimmit errorsisarfimmi illu nalinginnaasumik imermik mingunnikumik imaqassaaq. Imeq mingunnikoq suliffeqarfinnit ingerlatsinermi imermik mingunnikumik imaqartinneqassanngilaq.

## **Immikkoortoq 9**

*Maangaannartitsineq*

- 9.1.1** Anartarfimmit nunamut kuutsitsisoqassanngilaq.
- 9.1.2** anartarfinnit puussianik entreprenørip aallertarnerani qanorluunniit kuutsitsisoqassanngilaq.
- 9.1.3** Entreprenørit anartarfinnit puussianik suliaqarnerminni annanik eqqaavimmullu imaarsinerani nunamut kuutsitsisoqassanngilaq.
- 9.1.4** Anartarfimmit kuutsitsinerit erngertumik piliarneqartassapput. Tamanna anartarfinnut puussiamut issoraanikkut, annanik eqqaavimmullu tunniunneqarlutik ingerlanneqassaaq.
- 9.1.5** Annanik eqqaavimmut anartarfimmit puussianik imalinnik tunniussinissaq, anartaajaalerisunik isumaqtigisiissuteqarnikkut tunniunneqartassapput kiisalu akigitat naapertorlugit akiliuteqartitsisoqassalluni.

## **Immikkoortoq 10**

*Nakkutilliineq*

- 10.1** Anartarfiit puussialertakkanik, annanik katersuivinnik kiisalu taakkunannga imaarsinermi suleriutsinik misissuinissamut, Teknikkimum Avatangiisinullu immikkoortortaq qaqugukkulluunniit misissuisinnaassapput.

## **Immikkoortoq 11**

*Akitsuutit*

- 11.1.1** Ukiut tamaasa Kommunalbestyrelsi anartarfinnit puussianik katersisarnermut akinik aalajangersaasarpoq.
- 11.1.2** Akit annertussusaat akigititani takuneqarsinnaapput, taakkulu Teknikkimum Avatangiisinullu immikkoortortamut saaffiginninnikkut pissarsiarineqarsinnaapput kiisalu kommunip nittartagaatigut takuneqarsinnaallutik.
- 11.2** Anartarfinnik imaartinneqarnissamut akit atuisumit, imaartittarnissamut aaqqiisummut nalunaarsorsimasumit akilerneqartassapput.
- 11.3.1** Allamut nuunnermi il.il. atuisoq imaartittarnissamut aaqqissuussamut nalunaaruteqartassaaq.
- 11.3.2** Nuunnermut atatillugu Teknikkimum Avatangiisinullu immikkoortortamut nalunaaruteqannginnermi, atuisoq imaartittarnissamut akiliisarnissaminik pisussaatitaavoq, tassa atuisup allap nalunaarsorneqarnissaata tungaanut.
- 11.4.1** Akiliisarnissamut piffissarititaasut akigititani takuneqarsinnaapput.
- 11.4.2** Akinik allannguinermi, tamatumani akiliisarnissamut piffissarititap iluini nutaamik ilanngulluni kiisalu atorunnaarsitsinermi, piffissap iluani imaartittarnissamut amerlassutsit nalunaarsorfiusut akilerneqartassapput.

## **Immikkoortoq 12**

*Unioqqutitsineq*

**12.1** Maleruaqqusamik unioqqutitsineq Anartarfitt imaannik aamma imermik errortuivikumik eqqaaneq pillugu Namminersorlutik Oqartussat nalunaarutaat nr. 10, 12. juni 2015-imeersoq naapertorlugu akiliisitsinermik pineqaatisiissutaasinnaavoq.

## **Immikkoortoq 13**

*Naammagittaalliorneq*

**13.1** Qeqqata Kommuniani imermik mingunnikumik eqqaaneq pillugu naammagittaalliuutit, Qeqqata Kommuniani Teknikkmut Avatangiisinullu immikkoortortamut ingerlateqqinneqartassapput. Mail: [Qeqqata@qeqqata.gl](mailto:Qeqqata@qeqqata.gl)

- 1) Sisimiut illoqarfiani nunaqarfiiit ilanngullugit: Makkorsip Aqq. 2, postboks 1014, 3911 Sisimiut.
- 2) Maniitsoq illoqarfiani nunaqarfiiit ilanngullugit: Kuuttartoq 8, postboks 100, 3912 Maniitsoq.

**13.2.1** Naammagittaalliuuteqarnermi Qeqqata Kommunianit suliamik aalajangiinera, Anartarfitt imaannik aamma imermik errortuivikumik eqqaaneq pillugu Namminersorlutik Oqartussat nalunaarutaat nr. 10, 12. juni 2015-imeersumi § 48 naapertorlugu, Avatangiisinik illersuineq pillugu naammagittaalliuuteqarnermut ataatsimiititaliamut naammagittaalliuuteqartoqarsinnaavoq.

**13.2.2** Naammagittaalliuuteqarsinnaasut tassaapput:

- 1) Aalajangiiffigineqartoq.
- 2) Nunatsinni Nakorsaaneqarfik.
- 3) Kinaluunniit, suliap inerneranut nammineq inuttut imaluunniit pingaaruteqartumik soqutigisaqarsimasinnaasoq.

**13.2.3** Naammagittaalliuuteqarnissamut ullormit tassanngaanniit aalajangernerup aalajangersaaffigineqartumut nalunaarutigineqarneranit, imaluunniit akuersissutip tamanut tusarliunneqarneranit sapaatit akunneri arfinillit piffissaavoq.

**13.2.4** Naammagittaalliuuteqarnermut ataatsimiititaliap aalajangiinera inaarutaasumik aalajangiineruvoq.

**13.3.1** Naammagittaalliuuteqarnermut ataatsimiititaliap aalajangiinissaata imaluunniit allamik aalajangiinissaata tungaanut, naammagittaalliuuteqarnermut akuersissutit, akuerineqarnerit, peqqussutit imaluunniit inerteqqussutit kinguartinneqarsinnaavoq.

**13.4** Oqartussat peqqussutimik inerteqqummilluunniit aalajangiisoq, immikkut tunngaveqartoqartillugu, peqqussuteqarnerup imaluunniit inerteqquteqarnerup saniatigut, qanorluunniit naammagittaaliuteqartoqartillugu aalajangiinerup malinneqarnissaa aalajangiisinnaavoq.

## **Immikkoortoq 14**

*Atuutilerfia*

**14.1.1** Maleruaqqusaq atuutilersinnejarpooq, Kommunalbestyrelsimit  
akuersissutigineqarneranit qaammatsiutit ulluisa 30-t qaangiunneranni.

**14.1.2** Tamatumani tullinnguuttut atorunnaarsinnejarpooq:

- 1) Eqqaanermut maleruaqqusaq 5 Sisimiuni, Sarfannguani Itillimilu anartarfinnik eqqaanermut maleruaqqusaq. 1996.
- 2) Immikkoortoq 5 'Anartarfilerineq' aammalu immikkoortoq 6 'Imermik mingunnikumik nunamut kuutsitsineq', 'Anartarfilerenik kiisalu saligaatsuutitsineq pillugu maleruaqqusaq , Maniitsoq Kommune' 27.08.2003-meersumiittut. Eqqaanermut maleruaqqusaq nutaami atorunnaarsinnejarnissaasa tungaanut, maleruaqqusat sinneri atuupput.

**14.2** 2016-imi novembarip 24-ani Qeqqata Kommunip Kommunalbestyrelsianit  
akuersissutigineqarpooq.



Hermann Berthelsen  
Borgmesteri



Paneeraq Olsen  
Kommuunimi pisortaaneq